

摘藻堂四庫全書薈要

經部

欽定四庫全書薈要卷三千二百九十一

經部

爾雅翼卷十一

宋羅願撰

釋木三

楸

椒

檉

欒

槐

枏

楚

楓

樞

移

楸

楸木瓜實如小瓜而酢衛詩有木瓜之篇毛氏以為衛人思齊威公之德欲厚報之而孔子謂吾於木瓜見苞

苴之禮行焉蓋以果實問遺人者必苴裹之則厥包橘
柚之屬是也陶隱居云山陰蘭亭尤多今處處有之
而宣城者佳彼州種時尤謹徧滿山谷始實成則鏃絳
作花傳其上重霧之夜露諸沙上旦暴之日則紙所不
覆處皆紅文采如生以充上貢古以為苞苴亦以此歟
魚復縣地多木瓜大者如甌又其木可以為材故取幹
之道木瓜次之今人取木瓜大枝作杖策之云利筋膝
根葉煮湯淋足脛可以已癢又截其木乾之作桶以濯

足齊孝昭北伐庫莫奚至天池以木瓜灰毒魚又別木
瓜者云木瓜與和圓子蔓木土伏子相似其皮薄微
赤黃香甜酸不澁穰中子尖一面方者為真木瓜

椒

椒實多而香故唐詩以椒聊喻曲沃之蕃衍盛大聊語
助也陳詩貽我握椒周頌有椒其馨離騷云雜申椒與
菌桂懷椒糈而要之九歌云奠桂酒兮椒醬播芳椒兮
成堂漢世皇后稱椒房取其實蔓延盈升以椒塗屋亦

取其溫暖故長樂宮有椒房殿其後董賢女弟為昭儀居舍與后相擬號曰椒風及晉世石崇王愷之徒相矜以富於是崇以椒為泥泥其屋而愷以赤石脂泥其壁云荆楚之俗正月一日長幼悉正衣冠以次拜賀進椒酒崔寔月令云過獵一日謂之小歲拜賀君親進椒酒從小起成公綏椒花銘云肇惟歲首月正元日是知小歲則用之漢朝元正則行之後世率以正月一日以盤進椒飲酒則撮寔酒中號椒盤焉然椒亦能殺人故漢李咸

欲爭竇后配威帝擣椒自隨而齊建武中欲併誅高武
子孫令太醫煮椒二斛椒熟則一時賜死此其事春秋
運斗樞曰玉衡星散為椒山海經曰琴鼓之山其木多
椒孝經援神契曰椒薑禦濕菖蒲益聰蜀都賦丹椒爾
雅以檄為大椒謂叢生實大者又曰椒椒醜茱茱萸子
聚生成房貌今江東亦呼茱云樹有針刺葉堅而滑澤
每葉中亦有刺蜀人作茶吳人作茗皆煮其葉以為香
又東海諸島上有椒子長而不圓其味如橘皮島上麋鹿

食此葉者其肉自然作椒橘香

范子計然曰蜀椒出武都赤色者善秦椒出天

水隴西

細者善

檛

檛一名藪今之茱萸也其味苦辛置之食中能去臭南

都賦所謂蘇檛紫薑拂徹羶腥者也古者膾春用葱秋

用芥豚春用韭秋用蓼脂用葱膏用薑三牲用藪和用

醯獸用梅蓋皆薰辛之物所用各有宜爾漢律會稽獻

藪一斗賀氏云今蜀郡作之九月九日取茱萸折其枝連

其實廣長四五寸一升實可和十升膏然鄭氏及說文
皆以煎茱萸為茱萸蓋茱萸必煎乃用爾今蜀人猶呼其實
為艾子蓋茱萸之訛也風土記曰俗尚九月九日謂為上
九茱萸至此日氣烈熟色赤可折其房以挿頭云辟惡
氣禦冬西京雜記云漢武帝宮人九月九日佩茱萸食
蓬餌飲菊花酒云令人長壽至宗懔記荆楚歲時云漢
費長房教桓景令家人各作絳囊九月九日盛茱萸繫
臂上登山飲菊酒消厄蓋至今用是日以綴雜菊花

冥酒中飲古之遺俗也尤妙於辟毒破氣故云嶺南多
毒足解毒之物即金蛇白藥之屬是也江湖多氣足破
氣之物薑橘吳茱萸之類是也乃天生萬物以與人亦
人窮急以致物楚辭稱椒專佞以慢慝兮椒又欲充夫
佩幃椒以比上官之屬椒其黨也曹植樂府歌曰茱萸
自用芳不如桂與蘭而郭璞射覆云子如赤鈴含玄珠
乃是椒耳

欖

風土記曰三香椒欐董欐出閩中江東其木似椿莖間有刺子辛辣如椒南人淹藏以為果品或以寄遠吳越春秋曰越以甘蜜丸欐執吳增封之禮則欐之相贈尚矣宋義熙八年太社欐木生於壇側欐尚黑也宋水德忽生此一木

槐

槐者虛星之精其葉尤可翫古者朝位樹之私家之朝皆植焉晉鉏麇觸趙宣子庭之槐董叔紡於范氏庭之

槐又齊景公有所愛槐使人守之皆植於庭之驗也釋
木曰櫟槐大葉而黑守宮槐葉晝聶宵炕郭璞以為晝
日聶合而夜炕布者名為守宮槐按說文槩木葉搖白
从木聶聲則聶乃開之義又炕乾也木葉近火而乾則
當相合然則郭氏之說正反之耳今江東有槐晝開夜
合者謂之合昏槐蓋啟閉以時有守之義說者以為此
槐與雅說相反不知郭氏誤解之也槐花可以染黃其
子上房可以染皂其根可作神燭淮南子曰老槐生火

久血為燐人不怪

考

莊子曰水中有火乃焚大槐老槐

當夏間其上忽自起火禁燒枝葉所謂極陰生陽者也

古者冬取槐檀之火槐檀色黑北方之行也

淮南子槐之生八季

春五日而兔目十日而鼠耳更旬而始規二旬而葉成管子五粟五沃之土其槐其楊

枏

枏大木也可以為舟又可以為棺故古稱榱枏豫章以

為良木之類任昉述異記曰黃金山有枏木一年東邊

榮西邊枯一年西邊榮東邊枯張華云交讓木宋子京

云讓木即枏也其木直上柯葉不相妨蜀人號讓木南

史陸慧曉傳亦云此木便是交讓

顏師古曰枏今楠木

楚

楚者楚地所出其一名荆故楚國入春秋稱荆其後稱楚而荊州亦以此木得名也今人牡荊作樹生者實細黃色而莖甚勁生子細如麻子比蔓荊實而小故稱小荊又牡亦對蔓為名非無實之謂也禮弓矢圖楚煇以荊為之必以荊者凡木心圓荊心方著之德圓而神卦

之德方以知以其德方故以方木灼龜也漢書郊祀志以
牡荆為幡竿又古者收威用榎與楚亦榎形圓楚形方
互相備也廣州記曰白荆堪為履紫荆堪為牀牡荆節
間不相當者月暈時刻之為券以畏病者春秋運斗樞
曰玉衡星散為荆

戰國策董于治晉陽公宮之垣以荻蒿苦楚厲之其高至丈餘趙襄子以

為天
楓

楓似白楊甚高大厚葉弱枝而善搖葉圓而收霜後丹

色可愛字从風又釋木楓攝攝說者曰天風則鳴故曰攝攝或云無風自動有風則止按說文木葉搖白謂之槩則槩與風同義矣招魂云湛湛江水兮上有楓目極千里兮傷春心至漢宮殿中多植之魏景福殿賦猶稱槐楓被宸考漢故事也有寄生枝高三四尺生毛一名楓子天旱以泥泥之即雨或云樹老有癭瘤忽遇暴雷驟雨癭上聳出一枝一夜暗出三五尺形如人鬼口眼備南中謂之楓人亦謂之靈楓越人以計取為神事之

舊說云黃帝殺蚩尤於黎山之上擲其械於大荒之中
朱山之上化為楓木之林此猶夸父之杖棄為鄧林也
其子可以為式式局以楓木為天棗心為地其脂甚香
謂之楓香脂一名白膠香入地千歲則為琥珀楓上有
菌食之令人善笑不止

樞

詩山有樞隰有榆樞莖蓋榆之類今之刺榆也爾雅疏
榆之類有十種葉皆相似皮及木理異爾而刺榆有針

刺如柘其葉如榆淪為蔬美滑於白榆內則曰莖莖粉
榆免蕘滌漚以滑之蓋榆之類皆滑免讀若問孫恒唐
韻菟新生草則蕘乃是久者以上四物新舊之名皆滑
利之名也嵇康謂榆令人瞑齊民要術稱桮榆刺榆凡
榆三種色別種之勿令雜以為桮榆莢葉味苦凡榆莢
味甘甘者春時將煮賣是以須別也廣志曰有姑榆有
即榆即榆無莢管子曰五粟五沃之土其榆條直以長
按陳藏器云江南有刺榆無大榆蓋大榆北方有之秦

漢故塞其地皆榆塞榆北方之木也淮南子曰槐榆與
橘柚合而為兄弟有苗與三危通而為一家言槐榆北
方橘柚南方也是以江南無榆但有樞耳若晉風則山
隰兼有之然而有材不能用則不如其亡也汜勝之書
曰三月榆
莢雨時高地強土可種木漢鑄莢錢如榆莢也又豐有
粉榆杜崔寔四民月令曰榆莢成者收乾以為旨蓄
色變白將落收為醬河平元年旱傷麥民
食榆皮萬畢術曰八月榆孺令人不飢

移

唐棣郭璞曰似白楊江東呼夫移逸詩曰唐棣之華

偏其反而豈不爾思室是遠而孔子取而論之移生江南山谷其大十數圍無風葉動華反而後合所謂偏其反而者也夫人之情反而欲其合豈欲其常相遠哉是詩也其旨與角弓之詩同角弓之詩曰騂騂角弓翩其反矣兄弟昏姻無胥遠矣夫角弓有時而反也然反者所以為適唐棣有時而反也然反者所以為合然則兄弟昏姻與此室之遠豈遠也哉亦猶二物之暫反而終合耳故孔子曰未之思也夫何遠之有又何彼穠矣之

詩亦言唐棣之華此詩以王姬車服不繫其夫築館于外亦有反而後合之道至於執婦道以成肅雖則若桃李之相輝蔽不終反而已也崔豹古今注曰移楊圓葉弱蒂微風大搖一名高飛一名獨搖又曰移楊一曰移柳亦曰蒲移而齊民要術以高飛獨搖為白楊之別名又本草白楊注云取葉圓大蒂小無風自動者故說者云葉無風自動此是移楊非白楊也蓋白楊多悲風又與此相類故相雜耳移皮焚為灰置酒中令味正經時

不敗而枳棋木以為屋屋中酒則味薄物之相反有如
此者

音釋

楸音茂

酢與同

鏃作木切

甌音武甌

麇音蹇

○椒

菌渠隕反

糲音所精米

要之

反於遙

掇欣詭切

菜音求

○椒

藪魚氣反內則三牲用

藪注煎菜萸也

藟與同

費音翫

悒吐刀反

幘音暉

○攬

○丸攬

按吳越春秋越使大夫種索嘗布十万甘蜜丸党文筍
七枚狐皮五双晉竹十庾以復封禮而此書無丸攬二
字詳下文文筍之類皆以數計則甘蜜當作九党豈
九党說為丸攬耶玉篇寬丁盜切盆也党字疑誤

槐

紡

音髻晉語范獻子執董叔紡於庭之槐注縣也

聶

音輒

炕

口浪切

攝

時葉切

燐

音客

水中有火

莊子音義謂雷也焚槐謂霹靂時燒大樹也

○柟

奴含切

○燔

鬼火

他昆切

覆

音賈

○楓

攝攝

音輒爾雅音涉

癭

於郢切

瘤

力周反

○樞

音毆

莖

大結切

董

音謹

萱

音桓

免

音問苦切

薨

老思切

滂

思酒反

髓

音髓

粉

音汾

榆之皮色白名粉

挾榆

上古洽反

注孺

而充反

○移

音移

爾雅翼卷十一

欽定四庫全書薈要卷三千二百九十二

經部

爾雅翼卷十二

宋羅願撰

釋木四

柞

櫟

豫章

櫛

槠

木蘭

樺

茶

櫟

榦

楊梅

若榴

漆

桂

盧橘

離支

仁頻

椰

竹

箭

柞

柞生南方葉細而密今人為梳用之詩雅道柞為尤多
方周之興太如夢商之庭產棘小子發取周庭之梓植

之于闕間梓化為松柏柞槭覺驚以告文王文王曰勿
言冬日之陽夏日之陰不召而物自來以為宗周興王
之兆故詩曰帝省其山柞槭斯拔松柏斯兌帝作邦作
對自大伯王季未必不謂此也又述文王之事曰柞槭
拔矣行道兌矣山木多矣而獨言柞槭蓋柞薪者民之
所燎且至於聳拔則其餘從可知也齊民要術稱柞斫

去尋生料理還復蓋良木之易成者然亦非人力料理有不可復此以見大王之勤也又言柞宜種於山阜之曲十年中掾二十年中屋榑薪樵不在此數然則為利亦博矣管子五粟五沃之土宜柞風土記舜所耕多柞又漢有五柞之宮

櫟

管子五粟之土其柘其櫟條直以長淮南時則訓十二月之木正月其木楊楊蒲柳也楊木春先二月其木杏

有竅在中象陰布散在上三月其木李李亦有核李後
杏熟故主三月四月其木桃說與杏同桃後李熟故主
四月五月其木榆六月其木梓說未聞七月其木棟棟
實鳳皇所食今雒城旁有樹棟實秋熟八月其木柘未
聞九月其木槐槐懷也可以懷來遠人十月其木檀檀
陰木也十一月其木棗取其赤心也十二月其木櫟櫟
可以為車轂木不出火唯櫟為然亦應陰氣也秦風山
有苞櫟草木疏云秦人謂柞櫟為櫟河內人謂木蓼為

櫟此秦詩也宜從其方土之言柞櫟是也

徐州人謂櫟為杼或謂之

為相其子為卑或言卑斗

莊子匠石見櫟社樹其大蔽牛絜之百圍

上林賦注應劭曰櫟采木也顏師古以為木蓼葉辛初

生可食

本草圖經曰柞櫟也杼也相也皆櫟櫟之通名

豫章

豫章大木生七年乃可知漢官曰凡郡或以所出金城城下得金酒泉泉味如酒豫章樟木生庭鴈門鴈之所育是也楚子期扶豫章以殺人吳都賦曰櫟樟尸子曰水

積則生吞舟之魚土積則生梗楠豫章

漢上林有豫章觀西京賦豫章

珍館薛綜謂豫

章木為臺館

櫛

櫛似拾葉冬不落上林賦沙棠櫛郭璞曰櫛似采桑

櫛

櫛木類松而勁直葉附枝生若刺針俗作杉非是名山

志曰華子崗上紫杉千仞被在崖側

木蘭

木蘭葉似長生冬夏榮常以冬華其實如小柿甘美一名林蘭一名杜蘭皮似桂而香生零陵山谷及泰山狀如楠樹高數仞任昉述異記云木蘭川在尋陽江中多木蘭又七里洲中有魯班刻木蘭舟今詩家云木蘭舟出於此離騷云朝搴阰之木蘭王逸謂木蘭去皮不死以喻讒人雖欲困已已受天性終不可變易

又云朝飲木蘭之墜

露子虛賦云桂椒木蘭洛陽宮殿薄顯陽殿前有之

樺

樺木似山桃上林賦華楓枰櫨華即今之皮貼弓者鉢
室韋國用樺皮蓋屋又隋大業中汾州起汾陽宮宮南外
平林率是大樺木高百餘尺行從文武皆剝取皮覆菴
舍又堪為燭取脂燒辟鬼枰即平仲木也實白如銀櫨
黃櫨木也

茶

今人飲茶未知所始釋木云檟苦茶郭璞云樹小似梔
子冬生葉可煮作羹飲今呼早采者為茶晚采者為茗

一名苻蜀人名之苦茶然則古蓋用之矣埤蒼作搽今

通謂之茶茶聲近

春秋齊君茶漢地理志
茶陵陸顏皆入茶音

茶經曰茶

者南方嘉木木如瓜蘆葉如梔子花如白薔薇實如枳

櫚蒂如丁香根如胡桃其名一曰茶二曰檟三曰護四

曰茗五曰苻又曰茶之別者有枳殼枸杞枇杷皂莢槐

柳芽上春摘其芽和茶作之故今南人輸官茶往往雜

以衆葉

山中草木芽葉皆可入椿柿尤奇唐風山有栲
陸璣疏云山栲吳人以其葉為茗南越志龍川

縣有臯蘆葉似茗南
人煮為飲一名瓜蘆

据

据櫝也草木疏云節中腫似扶老即今靈壽是也今人
以為馬鞭及杖弘農郡北山甚有之孔光傳賜靈壽杖
孟康曰扶老杖也顏師古曰木似竹有枝節長不過八
九尺圍三四寸自然有合杖制不須削治也陳藏器云
生劔南山谷圓長皮紫作杖令人延年益壽王粲靈壽
杖頌云奇幹堅正不待矯揉

探

採子木生山中實似梨冬熟味酸薛瑄異物志云丹陽諸郡皆有之吳都賦採榴禦霜

楊梅

楊梅木若荔枝葉細陰青實如穀子而有核其味酢出江南五月中熟江淹頌云懷藥挺實涵黃糝丹鏡日繡壑炤霞綺巒張司空云地瘠無不生楊梅者

若榴

按石榴或云本生西域張騫使外國得之一名丹若廣

雅謂之若榴木不甚高大枝柯附幹自地便生作叢種
極易息折其條盤土中便生花有黃赤二色實亦有甘酸
二種甘者可食酢者入藥

段成式云甜者謂之天
漿南都賦枹棗若榴

漆

漆木汁可以髹物象形叅如水滴而下木高三二丈葉
如椿榆皮白而心黃六七月間以斧斫其皮開以竹管
承之汁滴則為漆古者以為貢職方氏豫州其利林漆
傳稱舜造漆器諫者數百人

考

以為奢侈從此興然三

代盛王相繼以為器皿以示制度蓋備物致用聖人之
事也後世用之既博故周家漆林之征至二十而五衛
文公徙居楚丘則樹榛栗椅桐梓漆伐琴瑟焉蓋其速
慮如此而後漢壽張侯樊重欲作器物先種梓漆時人
嗤之然積以歲月皆得其用向之笑者咸求假焉貨殖
傳陳夏千畝漆與千戶侯等莊子曰桂可食故伐之漆
可用故割之

桂

桂江南木百藥之長屈原遠遊曰嘉南州之炎德兮麗
桂樹之冬榮周書王會自深桂山海經桂林八樹在番
隅東招搖臯塗之山多桂本草桂有三種茵桂生交趾
桂林正圓如竹有二三重者葉似柿花白藥黃四月開
五月結實離騷雜申椒與茵桂矯茵桂以紉蕙是也今
有筒桂筒茵字近或傳寫之誤或云即肉桂也牡桂生
南海葉似枇杷皮薄色黃少脂肉氣如木蘭削去皮名
桂心所謂官桂也桂生桂陽是半卷多脂者所謂板桂

也陳藏器云同是一物爾雅但言檟木桂郭璞云南人呼桂厚皮者為木桂蘇恭謂牡桂即木桂及單名桂者是也廣志曰桂出合浦而生必於高山之巔冬夏常青尸子乃云春華秋英曰桂吳都賦云丹桂灌叢古者薑桂為燕食庶羞和之美者招搖之桂切桂置酒中謂之桂酒列仙有桂父服桂葉以龜腦和之呂氏春秋云桂枝之下無雜木辛螯故也南越有桂蠹此蟲食桂味辛漬以蜜食之漢常以獻陵廟載以赤轂小車春秋運斗

樞曰椒桂連名士起

盧橘

盧橘伊尹曰果之美者箕山之東青鳧之所有焉考而

司馬相如賦上林引盧橘夏熟故左思譏之張勗吳錄

以為建安郡中有橘冬月於樹上覆裹之至明年春夏

色變青黑味尤絕美以為相如所引盧橘盧黑色也蓋

近是乎

說文作櫨○郭璞曰蜀中有給客橙即盧橘也

離支

上林賦離支晉灼注大如雞子皮麤剥去皮肌如雞子
中黃味甘多酢少蜀都賦旁挺龍目側生荔支廣志
曰木高五六丈大如桂綠葉冬夏榮茂青華朱實後漢
南海獻龍眼荔支十里一置五里一候奔馳險阻道路
為患孝和時唐羌為臨武長縣按南海上書言狀詔太
官勿受獻龍眼木高二丈許似荔支而葉微小凌冬不
凋春末夏初生細白花七月實成

仁頻

上林賦仁頻顏師古注即賓榔也陶隱居云出交州形小而味甘廣州以南者形大而味澀小者名蒴子向陽曰檳榔向陰曰大腹圖經云生南海大如攄榔高五七丈正直無枝皮似青桐節如桂竹葉生木顛大如攄其實作房從葉中出傍有刺若棘針一房數百實如雞子皆有殼肉蒲殼中尖長而有紫文者名檳圖而矮者名榔吳都賦檳榔無柯榔葉無陰

榔

椰木似檳榔無枝條高十餘尋葉在其末如束蒲實大如瓠繫在樹頭實外有皮如胡桃核裏有膚白如雪厚半寸如豬膏味美如胡桃膚裏有汁升餘清如水美如蜜飲之可以愈渴核作飲器

竹

說文冬生艸也象形下垂者箬箬也竹譜別類有六十一山海經岳山尋竹生焉衛丘山南帝俊竹林在焉大

可為舟

闕

箭

箭篠也東南之美者有會稽之竹箭焉禹貢揚州篠簜

既敷職方氏揚州其利竹箭箭一名篠是竹之小者可

為箭幹箭萌謂之落

一作意

月令日短至則取竹箭說文

簜可為幹筱可為矢

筱箭屬小竹也

異物志箭竹細小勁實可

為箭通竿無節竹譜云節間三尺堅勁中為矢筥輅亦

堪為矢箭大者為筆

書垂之竹矢淮南云淇衛筥輅寇恂伐淇園之竹為矢

考工

記玠胡之筈

謂箭豪

天人相筈欲生而搏

音釋

柞

音昨又音作

○櫟

來的反

杼

神呂反杼也

栩

吁委反

絜

奚結反圍而量之

○豫章

挾

於決切

○櫛

音諸

矜

音零

采柔

采本作採應劭曰櫟採木也

○

𣎵

所銜反

○蹇

音蹇

阤

音皮山名在楚南

○樺

胡化切

枰

皮兵反

櫨

來都

反

○茶

莽

尺充切

䄂

舒列切

○据

櫝

丘貴反

○採

市瞻切

○

楊梅

炤

音灼

○漆

髹

音休

○桂

番隅

上普官切舊本作賁誤山海經

注

給

徒亥切相欺

注八樹而成林言其大也今番隅縣

茵

渠隕反

侵

音寢

○盧橘

注

給

徒亥切相欺

○離支

上方智反

○仁頻

蒟

奴谷切

楯

食尹切干盾

○椰

音耶

○竹

○

○

○

筭

蒲侯切竹筭別名也

筭

音弱

箭

竈

從改切又音臺

筱

先鳥切與篠同

筭

上奇隕切下音路

姤胡之竒

考工記注姤胡胡子之國在楚旁姤音焚書或為邠竒矢幹也讀為


豪

生而搏

周禮矢人注相猶擇也生謂無瑕也搏讀如搏黍之搏謂圓也



爾雅翼卷十二



總校官庶吉士臣張能照

校對官檢討臣王福清

謄錄監生臣秦在賈

謄錄監生臣于飛鳳

欽定四庫全書薈要

經部

爾雅翼卷十三至
六

詳校官主事街臣徐以坤



欽定四庫全書薈要卷三千二百九十三

經部

爾雅翼卷十三

宋羅願撰

釋鳥一



鵬

鳳

鸞

孔雀

鶴

雞

雉

鷩

烏

鵲

鵬

萬物之在宇中者其小大皆可識惟夏草所稱鯤化為
鵬莊子引以冠其書頗為難信按說文鳳神鳥也其字

又為翺云古文鳳象形鳳飛羣鳥從以萬數故以為朋
黨字又翺字云亦古文鳳然則以隸書之正是鵬爾夫

羽蟲三百鳳為之長舜文王之時嘗來儀以鳴而仲尼
嘆其不至宜無偉於是者矣宋玉對楚襄王亦稱鳥有
鳳而魚有鯢鳳皇上擊九千里絕雲霓負青天翱翔乎
杳冥之上夫藩籬之鷦豈能與之料天地之高哉鯢魚
朝發崑崙之墟暴鬣於碣石暮宿於孟諸夫尺澤之鯢
豈能與之量江海之大哉宋玉莊周皆楚人所言鵬鳳

俱以鯢配又其言絕雲負天詞旨亦相類明鵬即鳳也
但齊諧主於怪故以九千為九萬耳

鳳

鳳神鳥也韓詩外傳曰黃帝即位宇內和平惟思鳳象
召太老而問之太老對曰夫鳳象鴻前而麤後蛇頸而
魚尾鸛頰而鴛思龍文而龜背燕頤而雞喙又說者曰
五色具揚出東方君子之國翱翔四海之外過崑崙飲
底柱濯羽弱水暮宿丹穴見則天下大安寧又有六像

九苞之說蓋鳳生南方去中國甚遠而又不妄飛鳴飲
喙其至蓋罕故孔子稱之而世好事者憚為之傳道務
奇怪其章紬繹其聲列於神聖故千世而不合焉蓋鴻
前者軒也麀後者豐也蛇頸者宛也魚尾者岐也鸛頽
者推也鴛思者張也龍文者緻也龜背者隆也燕頤者
方也雞喙者鈎也六像頭像天者圓也目像日者明也
背像月者偃也翼像風者舒也足像地者方也尾像緯
者五色具也九苞口包命者不妄鳴也心合度者進退

精也耳聽達者居高明也舌詘伸者能變聲也彩色光者文采呈也冠矩朱者南方行也距銃鈎者武可稱也音激揚者聲遠聞也腹文戶者不妄納也行鳴曰歸嬉止鳴曰提扶夜鳴曰善哉晨鳴曰賀世飛鳴曰即都知我唯黃持竹實來譯者即其音而附之聲也黃帝使伶綸制十二筩聽鳳鳴則雄鳴為六雌鳴亦六比黃鐘之宮而皆可以生之是為律本少皞氏以其鳴合十二律故設鳳鳥氏之官以為歷正及帝舜之時作簫以象之

故蕭韶九成鳳皇來儀儀者蓋馴擾相狎久而不去非
時為羽儀而已禽經曰翬以鳴鳴鳳鳳以儀儀翬儀匹
也如衛詩實維我儀周語丹朱馮身以儀之是也覆巢
摘卵則鳳皇不至故孟舒國人首鳥身其先世為雩氏
訓百禽夏后之世始食卵孟舒去之鳳皇隨焉梧桐棟
實乃所在有之竹實則竹之將死者先花而為實如小
米顧不至爾南恩州北甘山壁立千仞有瀑水飛下猿
狔不能至鳳皇巢其上彼人呼為鳳皇山所食亦蟲魚

遇大風雨或飄墮其雛小者猶如鶴而足差短南人截取其尾謂之鳳皇孟古稱鳳生丹穴丹穴南方也顧出則為異爾蔡衡對光武凡鳳有五多赤色者乃鳳多黃色者鵠雛多青色者鸞多紫色者鸞鸞多白色者鵠禽經亦曰青鳳謂之鵠赤鳳謂之鵠黃鳳謂之鸞白鳳謂之鸞紫鳳謂之鸞說文亦曰五方神鳥東方曰發明南方曰焦明西方曰鸞鵠北方曰幽昌中央曰鳳皇則此五者皆鳳類使不足道不至為怪祥矣而樂協圖徵說

五鳳皆五色為瑞者一為孽者四鵠鷄旱疫之感發明
喪之感焦明水之感幽昌旱之感且其稱四鳳身背嬰
膺負皆合五常豈應為孽蓋漢儒既夸大其辭推鳳為
希世之瑞夸而無驗極而必反則又推之以為孽大抵
日新其說競為可喜以動人之耳目故既鳳矣而又孽
之雖孽之矣則又不廢身文義仁智禮信之說反覆無
所據皆不足取也至若漢書云凡五色大鳥似鳳者多
羽蟲之孽是則異鳥之不知名者也遽可鳳之耶

周書王
會西中

以鳳鳥方煬以皇鳥淮南子曰三皇鳳至於庭三代鳳至於澤德彌流所至彌遠德彌精所至彌近

鸞

鸞赤色五采雞形鳴中五音古者職方氏之職揚荆二州其畜宜鳥獸先儒以為孔鸞鵠鵠犀象之屬然則蓋常有之物非若麟鳳為畜鳥獸不獮狘也孔雀鵠鵠後世稔識而鸞在緯書已為瑞物故瑞應圖稱鸞赤神之精鳳皇之佐說文以為頌聲作則至引周成王時氐羗獻之以為驗而山海經亦言生於女牀見則天下太平

也鸞入夜則歌好自歌自舞或曰鸞甚好其類見則鳴
舞西域之國嘗有得之者金樊珍羞三年不一鳴乃懸
鏡照之覩影悲鳴中宵一奮而絕蓋以為其類而感也
昔有虞氏之輅謂之鸞車亦曰鸞輅明堂月令春則乘
之蔡邕稱以金為鸞鳥懸鈴其中施於衡為遲速之節
崔豹古今注亦以為五輅衡上金雀者朱鳥也口銜鈴
鈴謂之鑾禮云衡前朱雀或謂朱雀者鸞鳥以前有鸞
鳥故謂之鸞鸞口有鈴故謂之鑾事一而義異然則鳥

之鸞主形鈴之鑾主聲鈴之為鑾亦以象鸞鳥之聲為
名耳然杜預又以為錫鸞和鈴者錫在馬額鸞在鑣和
在衡鈴在旂動皆有鳴聲則與前說異按鸞和皆鈴也
韓詩外傳大戴禮及鄭氏解周官大馭禮記玉藻經解
之篇皆云鸞在衡和在軾唯毛氏蓼蕭傳稱在軾曰和
在鑣曰鸞鄭氏解烈祖復兼取之以詩輔車鸞鑣及四
牡八鸞考之鑣謂馬口兩旁四馬故八鸞則言在鑣者
亦不為無據然此乃謂輔車及仲山甫人臣所乘耳若

乃天子之路既特以此為名不當止如常車置馬口傍故秦風箋亦以為輶車者置鸞於鑣異於乘車是則天子之乘車鸞不在鑣而在衡明也然說者又以衡之所容唯兩服馬安能置八鸞夫八鸞既不主謂天子之車則施一鸞於衡上有何不可豈必欲置服馬間而後為在衡耶蓋鸞路之說如此至常鸞則所在施之如庭燎之鸞則謂旂之鈴蓋旌旗有鈴為旂夜未盡則聞其聲夜鄉晨則見其旂而所謂鸞刀者又特以有鐸為鸞

亦不待鈴也凡此以鸞善為聲故取之禽經有鸞鳴噤
噤鳳鳴噤噤又以為君子之車也然鸞赤色五彩古又
以應朱雀至後漢光武時華陰有大鳥高五尺雞頭燕
頷蛇頸魚尾五色備舉而多青詔問百僚咸以為鳳唯
太史令蔡衡對以為凡象鳳者五多赤色者鳳多青色
者鸞今此鳥多青乃鸞非鳳也與說文瑞應圖之說異
淮南子曰羽嘉生飛龍飛
龍生鳳皇鳳皇生鸞鳥

孔雀

孔雀生南海蓋鸞鳳之亞尾凡五年而後成長六七尺
展開如車輪金翠燦然始春而生至三四月復凋與花
萼俱榮衰羽屬之取華耀者故元命包言火離為孔雀
然尤自珍愛遇芳時好景聞弦歌必舒張翅尾眄睐而
舞蓋物之能自愛者如鸞自歌鳳自舞也羣飛數十為
偶南人收其雛養之使極馴擾寘山間以物絆足旁施
羅網伺野孔雀至則倒網掩之無遺者其雌尾短畧無
文彩孔雀不必匹偶但音影相接便有孕如白鷄相視

雄鳴上風雌鳴下風之類或曰與蛇為偶蛇盤結其上
今野雉亦有與蛇交者理或有之或云聞雷聲而孕周
成王時方人常獻列於王會及漢文帝時趙佗亦以為
獻九歌稱孔蓋兮翠旌以為神明之飾魏文帝亦常詔
以于闐所上尾萬枚為金根車蓋今越人以珥門戶

鶴

鶴一起千里古謂之仙禽以其於物為壽

淮南曰鶴壽千歲以極其

游

狀大如鶩脚青黑高三尺餘喙長四寸常夜半鳴其

聲揚聞八九里雌者聲差下繁露曰鶴知夜半鶴水鳥也夜半水位感其生氣則喜而鳴所以壽者無死氣於中也又性絕警八月白露降則警而鳴性好在陰故謂其羽為陰羽周書曰陰羽鳧旌解者曰鶴鳧羽為旌也相鶴經曰鶴陽鳥也而游於陰因金氣依火精以自養金數九火數七故七年小變十六年大變禽經亦曰鶴愛陰而惡陽鴈愛陽而惡陰故易有鳴鶴在陰之文然詩稱鶴鳴于九臯聲聞于天與易之鳴鶴在陰其子和

之若不同者蓋鳴于九皋鶴之俊者以喻士之及時而未
仕者至其老則聲不能揚和者獨其子而已禽經又曰鶴
老則聲下而不能高近而不能奈此之謂也書又言鶴體
無青黃二色者木土之氣內養故不表於外然本草云鶴
有玄有黃有白有蒼蒼者今之謂之赤頰玄則鶴之老者
百六十年則有純白純黑之異若黃鶴則古人常言之
古書又多言鵠鵠即是鶴音之轉後人以鵠名頗著謂
鶴之外別有所謂鵠故埤雅既有鶴又有鵠蓋古之言

鵠不日浴而白白即鶴也鵠鳴咕咕咕鶴也以龜龍
鴻鵠為壽壽亦鶴也故漢昭時黃鵠下建章宮太液池
而歌則名黃鶴神異經鶴國有海鵠衛懿公好鶴齊王
使獻鵠于楚亦列國之君皆以為玩其餘諸書文如蕙
帳空今夜鶴怨楚辭黃鵠一舉及田饒說魯哀公言黃
鵠或為鶴或為鵠者甚多以此知鶴之外無別有所謂
鵠也鶴好延頸以望故稱鶴以怨望鵠以貪顧怨者必
望故以望為怨不意君之望臣深是也貪者必顧故以

顧為貪數招權顧金錢是也古以鶴為祥故立之華表
說文桓亭郵表也一說漢法亭部四角建大木貫以方
表名曰桓表又鶴之膝特隆故吳矛骸大者名鶴膝又
作詩者以中字平為鶴膝考

雞

雞司時之畜鳴必三度故禮有初鳴而衣服者又能自
守不為風雨止故詩人以比不改度之君子古有雞人
掌共雞牲大祭祀夜漏未盡則嘑旦以詔百官以其畜

雞則知時故也春秋說題辭雞為積陽南方之象火陽

精物炎上故陽出雞鳴以類感也

春秋運斗樞曰玉衡星散為雞

括地

圖則言度朔山

玄中記曰桃都山

有大桃木盤屈三千里上有

金雞日照則鳴於是晨雞悉鳴矣古稱雞之德五頭戴

冠者文也足傳距者武也敵在前敢鬪者勇也見食相

告者仁也鳴不失時者信也雞有五德猶日濡而食之

何也以其所從來者近也然雞老過歲晏則有怯寒至

曉方鳴者又雞或乙丙夜輒鳴者俗謂之盜啼云行且

有赦蓋海中星占云天雞星動為有赦故後魏北齊赦
日皆設金雞揭于竿至今猶然亦曰盜啼為有火古稱
牝雞之晨惟家之索以喻商王之用婦言至漢世乃有
雌雞化為雄冠距鳴將與雄不殊將者謂能率領其羣
也說者曰雞有冠距文武之貌不為威儀貌氣毀故有
雞旤風俗通云呼雞曰朱朱相傳雞本朱氏翁化為之按
漢祝雞翁居尸鄉山下養雞百餘年皆有名字呼名則
種別而至則朱乃祝之轉也又崔豹古今注雞名燭夜爾

雅雞大者蜀其音豈又本於此邪郭璞既解蜀為今之
蜀雞廣志又稱大者蜀小者荆而莊子別稱越雞不能
伏鵠卵魯雞固能則荆與越為小蜀與魯為大荆越相
近若蜀者非巴蜀蓋魯成公會于蜀者亦魯地云爾

說文

魯郊以丹雞祝曰以斯鶉音亦羽去魯侯之咎又禽經曰鷹雞多秋生雉雞多

冬死蓋魯雞則今鬪雞自周宣王時已有紀渚子為王
養鬪雞之事其後魯季邠雞鬪季氏介其雞蓋以膠沙
播其羽或曰搗芥汁播之邠氏則為之金距距者雞附足

骨關時所用刺也後世則又私取狸膏塗其頭輒鬪無敵此非有厭勝特是狸能捕雞異雞聞狸之氣則畏而走不若養之至於木雞者之全也今南方蓄蠱之家雞輒飛去

莊子謂惠子曰羊溝之雞三歲為株相者視之則非良雞也然而數以勝人者以狸膏塗其頭

雉

雉有十四種春秋運斗樞曰璣星散為雉澤雉十步一啄百步一飲因地之墳衍以為疆界分而護之不相侵越一界之內要以一雉為主餘者雖衆莫敢鳴其雉者

不特一雌雉耿介之禽應義氣十一月雷在地中雉先知而鳴說文雉雄雌鳴也雷始動雉鳴而雉其頸蓋雉鵠以足相勾雉以頸相勾故雉鵠从勾雉雉亦从勾高宗祭成湯有飛雉升鼎耳而雉非特鳴而已然聞聲似雷者亦從而應齊景公作為路寢之臺族鑄大鍾撞之庭下郊雉皆响許氏曰大鍾聲似雷震雉應而响鳴也又天水冀南山有石鼓長丈三尺廣厚畧等漢成帝時有聲如雷聞二百四十里野雞皆鳴蓋以為雷也夏小

正曰正月雉震响雉以媒取媒者少養雉子至長狎人
能招引野雉因名曰媒以翳隱身而射之媒江淮間謂

之游言可與游按說文圀譯也率鳥者繫生鳥以來之
名曰圀讀若譌圀或从絲為圀又音由然則游乃圀也
至若周官是氏攻猛鳥各以其物為媒而掎之乃謂用

其所食之物世以鳩鵲置繡中以媒鷹隼而掎其脚其
為媒之名雖同而實則異禮六摯士執雉取其守介而

死不失節也

漢五行志雉者聽察先
聞雷聲故月令以紀氣

鷩

鷩似山雞而小冠背毛黃腹下赤項綠色鮮明山海經曰小華之山其鳥多赤鷩可以禦火一謂之鵲蜺又謂之駿驥說文鷩赤雉也駿驥鷩也昔者趙武靈王貝帶鷩翽而朝趙國化之漢初閼孺籍孺以佞幸故孝惠時侍中皆冠駿驥冠貝帶傅脂粉化閼籍之屬也駿驥冠者以此鳥羽飾冠古有鷩冕既同一物豈亦類此耶周禮王之吉服享先公饗射則鷩冕而侯伯之服自鷩冕

而下如王公之服說者但解衣之九章以為驚者畫以
雉謂自次三華蟲以降然既以冕為名安知冠無此飾
不然漢之駿驤何所本哉此鳥雅好高故曰蠨蛸山棲
又曰仰攀駿驤然此但云似山雞而南越志稱駿驤即
山雞利距善鬪人以家雞鬪之則可禽光色鮮明五采
眩耀劉涓子解吳都賦亦以山雞如雞而黑色木棲晨
鳴今所謂山雞者驚蛸也合浦有之然則山雞自黑絕
不與此類郭景純特以比其大小耳至於凡言華采者

皆此驚也博物志曰山雞有美毛自愛其色終日映水
目眩則溺死翟雉長毛雨雪惜其尾栖高木杪不敢下
食往往餓死蓋雉輕死之物故或眩以死或餓以死而
其它又闕以死亦其性然也番禺諸郡往往取山雉為
筆五色可愛

烏

烏孝鳥也始生母哺之六十日至子稍長則母處而子
反哺其日如母哺子之數故烏一名哺公而東晉補亡

詩云嗷嗷林鳥受哺于子也孔子曰鳥旡呼也取其助
氣故以為鳥呼蓋鳥之呼如人之歎聲故古者記人之
歎輒書鳥呼以記之又謂之於戲於即古鳥字穆天子
傳曰於鵲與處是也戲即呼也古者言日中有鳥堯時
十日並出羿射落九鳥蓋日以比人主傳曰天無二日
土無二王少皞之衰九黎亂德堯出而平之故以喻射
九鳥焉日中之鳥有三足故說者以為鳥三點者法三
足然說文鳥鳥之足似匕皆从匕無三足之義且鳥焉

皆鳥名以鳥之類宣必皆三足耶此與數馬足者類矣鳥好
下麥田中拾麥食之既飽則啄土藏之已而忘其處往
往疆畔之上麥種十為叢者鳥所種也其智足以通禍
福故所在則人忌之而西南人事鳥為鬼以為能知未
然也太公曰愛人者愛其屋上鳥憎人者憎其儲須蓋
儲峙以待所須人之所宜愛也而憎人者併憎之鳥集
為不祥人所憎也而愛人者併愛之以言憎愛因情而
遷有如此者淮南曰鳥力勝日而服於雕禮能有脩短

也烏本黑之稱故瑞應圖以白烏為太陽之精至孝之
應孝經援神契曰德至鳥獸則白烏下先君尚書守新
定日有烏生四子於郡之南山二黑二白日集于黃
堂相間飛止若奕州人請奏瑞不許是亦異矣

鵲

鵲者烏之屬故周禮總謂之烏鳥又以其色駁名之為
駁鳥淮南曰若魚之躍若鵲之駁此自然者不可損益
古鵲之字作鳥蓋象形篆文則作雒能知氣候疾徐陰

陽向背風水高下歲必一營巢其孳生比它物最早故
自小寒五日而始巢巢常背太歲而向天一淮南曰太
陰所建蟄蟲首穴而處鵲巢嚮而為戶又曰夫蟄蟲鵲
巢皆嚮天乙者至和在焉爾又知歲之多風則去高木
而巢扶枝或曰水大則巢高水小則巢卑巢皆取木之
枝梢不取墜枝巢中亦塗飾橫梁其中相傳見其上梁者
貴云於是傳枝而生子春二月而有乳鵲矣已則捨去
而他鳥居之故召南稱鳩居鵲巢周書時訓曰鵲不始

巢國不寧則以巢比國蓋舊說也始則一鳩居之而已
尋則呼其偶併居焉所謂方之者也至其後則生子盈
之家道成矣今烏之類亦逐鵲而居其巢鵲能知人之
吉凶故自啄其足則行人至或曰其聲接接令接來者
也南人以其聲為吉以烏為凶北人反之崑崙之下以
玉璞抵鵲蓋惡之也鵲雖能知來及其避風而巢卑也
大人過之則探其轂嬰兒過之則挑其卵故號知來而
不知往涉秋七日首無故皆髡相傳以為是日河鼓與

織女會於漢東役烏鵲為梁以渡故毛皆脫去按秋鳥
獸毛毼之時又山海經羣鳥有解羽之所此豈解羽類
耶其尾尤長故漢世高祖所為劉氏冠民間謂之鵲尾
冠又熏鑪之有柄者謂之鵲尾鑪鵲能制蜩鵒之所在
蜩必反腹而受啄焉或在木上鳴蜩伏不能行淮南曰
鵲矢中蜩此類之不推者也

音釋

鵬步登反

夏草

下音棘列子湯問篇注
夏草字子棘為湯大夫嬰鵲司馬云鵲

於諫反亦作

鵓雀

碣石

其謂反海中山名

髮箸

渠脂切

暴

步卜切

鰈

音倪說文刺魚也郭璞曰似鮎

也

四足一曰雄鯨雌鯢

○鳳

麇

通作麟

鴛思

說苑作鴛鴦思

頽

音桑頽也又養韻

推

直追切推鈍不曲撓也

緻

音穉密也

緯

宋均曰五元也

戶

宋均曰所由出入也

知我唯黃

宋均曰黃中通理也按初學記持竹實來之下又有一句云故子欲居九夷從鳳嬉

翬

胡光切

馮身

上音憑周語注房后之行有似丹朱丹朱憑依其身而匹偶焉生穆王也

覆

音福音適

與擲字同

雲氏

猿狖

上于緯切或作猿余救切

獼猴

上五角切下七角切

鷩鷩

上息逐切

下所切

○鸞

鵠

音交音鵠

精畜

音鵠音獼

獼猴

音橋驚遽貌

狻猊

許月切獸

莊切

走貌女牀

山名錫

音揚

鑣

音馬街

輶

音由

○孔雀

眄

上莫見

反下力

代鷓鴣倪歷切說文引春秋傳鷓鴣退於與旌珥音餌也○鶴飛博物志雄雌相視則孕

喏喏

胡告切

骹

音敲脛骨近足細處

○雞

噉

火吳反又作呼○詔古弔反

消

所景反徐所幸反

郈

音后魯叔孫氏邑名在東平無鹽縣

○雉

雉

音邁翳於計反

譌

音翼氏

上音翅鳥翮

倚之

居綺反周禮注猛鳥鷹隼之屬置其所食之物於羮中鳥來下則倚

其羮

古泣切罔張獸也

○驚

音驚驚屬鼯鼯亦作

蜺

音啼駿思俊

義牛奇切

翽

徙到切翽翽也

翟

音狄

○鳥

眇

休俱切

屨

雛禮

上朱惟切許注鳥在

日中而見故曰勝日服猶畏雛禮爾雅謂呼笠秦人謂之祀祝間蠶時晨鳩人舍者鴻鳥皆畏之故曰能有修

也短

○鵲

鳥

古鵲字

首穴

首去聲

扶枝

淮南注扶旁也

鵲

音冠

髡音坤

去挑徒了切
髮弄也

爾雅翼卷十三

欽定四庫全書薈要卷三千二百九十四

經部

爾雅翼卷十四

宋羅願撰

釋鳥二

鴈鳩

佳鳩

睢鳩

鷓鴣

鷓鴣

鸛鵒

反舌

倉庚

斲木

子雋

鷓鴣

鷓鴣

鷓鴣

鴈鳩

鴈鳩一名鵠鷓

詩注結鞠說文結鷓

又名布穀江東呼獲穀又呼撥

穀又呼郭公以此鳥鳴時布種其穀似鷦長尾牝牡飛
鳴翼相摩拂月令云鳴鳩拂其羽是也取其骨佩之宜
夫婦又善養其子有均一之德故少皞氏以為司空詩
序稱德如鷽鷽乃可以配焉鷽之字从九蓋與鷹鷽更
相化禪列子曰鷽之為鷽鷽之為布穀布穀久復為鷽
也又曰一變而為七七變而為九九變者究也乃復變
而為一一者形變之始若鷽七者再變若鷽九則變之
道究窮將復為一故若鷽此鷽所以从九也布穀復為鷽

則九復變為一之道也說文云七陽之正也从一微陽
从中衰出也九陽之變也象其屈曲究盡之形蓋物窮
則反本故復為布穀也夏小正曰正月鷹則為鳩五月
鳩為鷹月令仲春鷹化為鳩其目猶如鷹故曰陽和布
氣鷹化為鳩至於有識猶憎其目又許叔重曰鷹化為
鳩喙正直不鷙搏也一說曰鳩蓋一巢而九鳥者詩曰
鳩鳩在桑其子七兮又名鷓鴣布穀好鳴之鳥故謂之
鳴鳩月令所謂鳴鳩拂其羽者今布穀為然小宛之詩曰

宛彼鳴鳩翰飛戾天許叔重曰鳴鳩奮迅其羽直掣上
飛入雲中者是也鳩亦子之多者今鳩四時有子鵲每
月一子

佳鳩

佳鳩孝鳥故少皞氏以為司徒一名祝鳩又名鵲鳩似
班鳩而臆無繡采又頸有贅物之拙者不能為巢纔架
數枝往往破卵無巢不能居天將雨則逐其雌霽則呼
而反之今人辨其聲以為無屋住云鵲既孝鳥故養老

之杖倣之漢仲秋之月縣道皆按戶比民年始七十者授之以玉杖舖之糜粥八十九十禮有加賜玉杖長尺端以鳩鳥為飾鳩者不噎之鳥也欲老人不噎古之養老祝鯁在前祝噎在後以為養老之備此所以取鳩而又名鳩為祝鳩也周禮羅氏獻鳩以養國老王子年記少皞時事稱帝子與皇娥泛於海上以挂枝為表結薰茅為旌刻玉為鳩置於表端則鳩杖之起亦遠矣此云刻玉玉杖亦其類也琴操曰舜耕歷山思慕父母見鳩

與母俱飛鳴相哺食感思作歌今之青鵠

鳴鳩

鳴鳩鵲類今江東呼之為鵲好在江渚山邊食魚故詩
云關關雎鳩在河之洲也鵲鳥之摯者故曰鵲鳥累百
不如一鵲淮南子曰狐不二雄神龍不匹猛獸不羣鵲
鳥不雙姜后稱雎鳩之鳥猶未嘗見其乘居而匹遊故
先儒稱摯而有別少皞氏以為司馬主法制鄭康成則
云摯之言至也謂王雎之鳥雌雄情意至然而有別揚

雄羽獵賦云玄鸞孔雀翡翠垂縈王睢關關鴻鴈嚶嚶

羣娛乎其中嘒嘒昆鳴張衡思玄賦云天地烟煴百卉

含葩鳴鶴交頸鵠相和處子懷春精魂回移其歸田

賦云仲春令月時和氣清原隰鬱茂百草滋榮王睢鼓

翼倉庚哀鳴交頸頡頏關關嚶嚶以相和而交頸言之

則蓋嘗乘居而匹遊矣烏在論其有別耶且后妃之意

方將樂得淑女與其君子相與如睢之相為顧豈暇言

其別淮南子曰關雎興於鳥而君子美之為其雌雄之

不乖也鹿鳴興於獸君子大之取其見食而相呼也則古之說詩者與此異矣然則何以言關雎樂而不淫曰后妃之意樂得賢女以配君子則不淫之義自顯矣陸璣疏雉鳩大小如鷓鴣深目目上骨露幽州人謂之鷓揚子雲許叔重皆曰白鷺似鷺尾上白

鷓鴣

鷓鴣者隼也見隼章

鷓鴣

鷓鴣春來冬去備四時之事故少皞以為司事之官似

山鵲而小短尾青黑色多聲

今江東亦呼為鵲鵲

鸛鵒

鸛鵒似鵒而有幘飛輒成羣多聲字書謂之唼唼鳥一

作雥雥或曰身首皆黑惟兩翼皆有白點飛則見如字
書之八云性好淫其行欲則以足相勾往往墮者相連
而下故从勾从欲字說云尾而足勾焉是也山海經衡
山鳥多鸛鵒而性又不踰濟故春秋有鸛鵒來巢書以

為異劉向以為鸛鵒夷狄穴藏之禽來至中國不穴而
巢陰居陽位鸛鵒白羽旱之祥也穴居而好水黑色為
主急之應也說者以為鸛鵒今中國皆有然但在濟西
不踰濟耳春秋以為魯所常無故異而書之而劉向以
為夷狄禽未喻其意又此鳥本亦巢居不皆穴處書巢
者著其居木孚乳不即去也此說甚長荆楚之俗五月
鸛鵒子毛羽新成取養之以教其語五月五
日剪舌俗謂之花
鵒今有一種灰色好穿屋瓦下以居號瓦鵒

反舌

反舌春始鳴至五月止能變其舌反易其聲以效百鳥之鳴故名反舌又名百舌淮南子曰人有多言者猶百舌之聲人有少言者猶不脂之戶謂多言而不得其要徒為誆誆耳不脂之戶則以難於啟閉故也反舌所以五月無聲者陽氣極於上陰氣起於下百舌無陰故無聲其有聲則為異周書時訓曰芒種之日螳螂生又五日鵙始鳴又五日反舌無聲反舌有聲佞人在側春秋

保乾曰江充之害其萌反舌鳥入殿此其驗也以月言之則如此以歲言之則少陰少陽司天子午寅申之歲羽蟲則靜說者以為諸黑色有羽翼者胡越燕百舌鳥之類反舌今人多畜養者而風土記以祝鳩為反舌則非其類又蔡邕謂反舌龜也今謂之蝦蟇其舌本前著口側而末向內故謂之反舌引通卦驗搏勞鳴蝦蟇無聲為証然蝦蟇五月中得水適當聒人耳何反無聲或蝦蟇舌性自然不必為反舌也故鄭氏不取

倉庚

倉庚黃鳥而黑章齊人謂之搏黍秦人謂之黃流離幽
冀謂之黃鳥一名黃鸝留或謂之黃栗流一名黃鸝而
爾雅有皇黃鳥倉庚商庚鸛黃楚雀之名二月而鳴夏
小正云二月有鳴倉庚鵲者績之候倉庚者蠶之候故
詩倉庚喈喈采芣祁祁又稱伐木丁丁鳥鳴嚶嚶出自
幽谷遷于喬木嚶其鳴矣求其友聲按禽經稱鸛鳴嚶
嚶則詩所言鳥殆謂此故後人皆以鸛名之此鳥之性

好雙飛故鸛字从麗又曰鸛必匹飛鵠必單棲而東山
之末章以比之于歸者也出谷遷喬之事未見其驗
今荊州每至冬月於田畝中得土堅圓如卵者輒取以
賣破之則鸛在其中無復毛羽蓋以土自裹伏而土堅
勁候春始生羽破土而出然則出谷遷喬之事恐當
似此矣

說文離黃倉庚
也鳴則蠶生

斲木

鴛斲木口如錐長數寸常斲枯木取其蠹故以名云此

鳥有大有小有褐有斑褐者是雌斑者是雄又有青黑者大如鵲頭上有紅毛如鶴頂生山中土人呼為山啄木然以青者為主故黃帝內經太陰司天羽蟲不成謂丑未之歲也說者以為羽蟲謂青綠色者則鸚鵡鷺鷥鳥翠碧鳥之類諸青綠色之有羽者也歲乘金運其復甚焉此乃六氣五類有相勝制者也其飛好極深遠故相傳以為雷公採藥吏所化此與帝女為精衛蜀王為子喬竊肉者為逃河相類斲木易識之鳥而許叔重解淮

南子仲春之月倉庚鳴一說以為斲木非也此鳥喙端有鈎嘗見其啄啄不止頃之摯翼不能去若負痛者使人視之啄在木中力脫之遂死蓋平時得蟲則以鈎取之此時無蟲鈎誤着木不能去也

子雋

子雋出蜀中今所在有之其大如鳩以春分先鳴至夏尤甚日夜號深林中口為流血至章陸子熟乃止農家候之太史公曰昔自在古歷建正作於孟春於時冰泮

發蟄百草奮興秭鳩先淅淅即鳴也其鳴聲若歸去故
爾雅為鳶說文為子鳶太史公書為秭鳩高唐賦為秭
歸禽經為子規徐廣為子雉字雖異而名同也亦曰望
帝亦曰杜宇亦曰杜鵑亦曰周燕亦曰買鵲名異而實
同也離騷曰恐鵲鳩之先鳴兮使百草為之不芳鵲鳩
音弟桂一作鵲鳩或以為此物或以為伯勞或又以為
巧婦按此稱鵲鳩先鳴即前所謂秭鳩先淅者也此物
以芳時最先鳴然一發其聲次日視之則梨菊之類皆

截然萎折數寸莫知其故然則古人蓋忌其口鳴之早也若伯勞以仲夏時鳴豈復有芳草耶蓋鷦即稊之訛鷦即鷦字或轉而為南蠻鷦舌之鷦則宜其以為伯勞也而巧婦一號鷦鷦故又轉而益遠皆不可用也今人亦惡先聞以為當有離別其產子於百鳥之巢鳥或從而哺之亦下人家竊蠶或又以為見者宜於蠶云其名望帝者蓋蜀王望帝媼其相妻慙亡去化為此鳥蜀人聞其鳴皆起曰望帝自漢許叔重已有此說望帝一名

杜宇故蜀都賦云鳥生杜宇之魄謂此也唐杜甫詩曰
我見獨再拜重是古帝魄雖感時之言亦蜀之遺俗也
蜀中尤多故雲安有縣名姊歸袁崧以為屈原姊妹額
聞原放逐亦來歸喻令自全鄉人冀其見從因以名縣
縣北有原故宅宅之東北有女額廟云按原楚之近族
所謂昭屈原者其放逐又自在汨羅之間其姊何用歸
蜀且其字从禾非姊妹之姊正自常鳥所多以為縣名
耳又杜詩所謂雲安有杜鵑者閩中記曰子規自呼為

謝豹

陶岳零陵記曰思歸樂狀如鳩而慘色三月則鳴其音云不如歸去

鷓鴣

鷓似鷓鴣而大一名伯趙又名伯勞通卦驗云搏勞性好單棲其飛翾其聲啾啾夏至應陰而鳴冬至而止故帝少皞以為司至之官而夏小正五月鷓則鳴月令仲夏有鷓始鳴豳詩則云七月鳴鷓蓋豳地寒晚物從其氣其鳴為將寒之候故八月載績常候此也時訓云鷓不始鳴號令壅偪高誘以為夏至後應陰而殺蛇乃磔

之棘上而始鳴今俗云鷦在林間鳴蛇於其下蟠結不
動飛去則伸其所踏枝可鞭兒令速語以其當萬物不
鳴時而能鳴故以類求之又能療繼病繼病者母有娠
而乳子使子得疾如疝淮南鴻烈曰男子植蘭美而不
芳繼子得食肥而不澤情不相與往來也蓋情在腹中
之子故於所乳之子為情不往來所以病而不澤也世
傳伯奇化為鷦豈亦母所不愛為此耶然少皞已有伯
趙氏豈待伯奇而後有姑廣異聞爾

鵠

鵠者今之獨豹也以鵠為豹聲之訛耳鵠亦水鳥似鴈而無後指上林賦曰鴻鵠鵠駕翬屬玉交精旋目煩驚庸渠歲疵鵠盧羣浮乎其上是也鵠羽之詩言君子下從征役不得養其父母以喻鵠之集于苞栩苞棘苞桑蓋水鳥而木棲既失其常是又無後指尤非所以自託於木者可謂不得其所矣段成式云鵠遇鷺鳥能激糞禦之糞着毛悉脫今鵠之毛能落衆羽然其鷺烈足

以服羽族此類之可推者鵠乃水鳥不以鷺稱而鷺鳥為之落羽此類之不可推者

鸚鵡

鸚鵡能言之鳥其狀似鴉青羽赤喙足隴右及南中皆有之然南鸚鵡小於隴右飛則千百為羣俗忌以手觸其背犯者多病顫而卒名鸚鵡瘴禮曰鸚鵡能言不離飛鳥淮南子曰鸚鵡能言而不可使長得其所言而不得其所以言也然有三種大抵五色者尤慧白者次之

青者為下其足指前後各二郭璞贊云四指中分行則以觜特為羽族異故字從武武者足跡說者以為似小兒脚指也又名鸚鵡吳志云鳥名鸚鵡未聞鸚父字說曰嬰兒生不能言母教之言已而能言以言此鳥之能言類是也亦其舌似小兒故能委曲其音聲以象人爾又鳥目下瞼眨上唯此鳥兩瞼俱動如人目蓋羽蟲之能人言者必有人形之一端今秦中有吉了鳥毛羽黑大抵如鸚鵡然有兩耳如人耳而紅此與鸚鵡之人舌人

目何異然吉了生秦中其音聲差重濁如秦人語不若
鸚鵡之輕清云

音釋

鴟鵂

上音尸

鵂

音戛

鵂

音翳

鵂

音耀

鵂

之然

哀

與斜同

鸚

魯甘

鸚

音縷

佳

音雞

鳥短

鵂

音浮

縷

忙皮切

○

睢

上七

鸚

胥切

乘

居

上去

娛

音嬉

噍

噍

昆

由切

噍

與啾同

烟

易作網

煨

天地氣也

頡

頡

頡

上戶

結

反下

戶郎

反飛

頡

音就

鷹

居月

○

鷁

音立

爾

鷁

鷁

居

勿

注

鸚

上音骨

下竹

○

鸚

浴

下音

唎

音八

○

反

舌

詭詭

莊子乃交切

鵠

公覓切

鼃

或作蛙

倉庚

伏

伏富切鳥抱子

○

斲木

鴛

列音

○子雋

爾雅音雋

鵠

居隨反

買鵠

下音詭

鵠

音題

鵠

音決

鷦

音寧

女類

私俞反

○鵠

圭覓切

鵠

胡達切

鵠

何葛切

其飛

音宗

爾雅疏鵠鵠也

其聲嗅嗅

詩疏引陳思王惡鳥論作鵠鵠故以

其音

磔

陟格切

○鵠

音保

駕

音加

煩鵠

音木

庸渠

郭璞曰似

雞脚一

歲疵

上音針下音資說文作歲驚張揖曰似魚虎而蒼黑色

鵠

盧

張揖曰

鳥盧鷗鷗也

鵠

音杳又音拗

○鵠

鵠

音戰

顫

音戰四支

使長

知丈切許慎注長主

也知效人言不能

自為長主之言也

瞋

已冉反

眨

側洽切目動也

爾雅翼卷十四

欽定四庫全書會要卷三千二百九十五

經部

爾雅翼卷十五

宋羅願撰

釋鳥三

燕

雀

鷦

鷯

鷯

鵲

鵲

鵲

鵲

比翼

燕

燕有兩種越燕小而多聲領下紫巢於門楣上謂之紫燕亦謂之漢燕胡燕比越燕而大臆前白質黑章其聲

亦大巢懸於大屋兩椽間其長有容匹素者謂之蛇燕
古皆謂之玄鳥齊魯謂之乙取其鳴自呼其字乙卯首
下曲與甲乙之字少異而音不同其尾歧分故物或取
象燕尾尤為光澤故漢書曰燕燕尾涎涎美好之貌也
以春分來秋分去開生之候其來主為孚乳蕃滋故古
者以其至之日祠高禩以請子契因是而生故詩曰天
命玄鳥降而生商或曰契母簡翟吞乙卵而生契故契
號玄王賜姓子氏成湯紹其祖而字天乙後代以子加

乙為孔氏乙至得子則名嘉而字子孔又人及鳥生子

謂之乳亦从乙从孚荆楚之俗燕始來睇

夏小正二月燕乃睇

有

入室者以雙箸擲之令人有子皆燕乙為生子之驗然

稱簡翟吞卵似不其然予按帝少皞以玄鳥為司分之

官或者簡翟之家有娥氏之先在少皞時嘗為之尊其

先故曰降契以玄鳥氏之出故宅殷土芒芒廣大如春

秋傳所謂爽鳩氏始有齊地云耳何必吞乙卵而後為

命玄鳥也哉

秦之先女脩織玄鳥墮卵女脩吞之生大業

燕之居甚安故古

以為燕居燕享之燕然安不可懷故又有燕安酖毒之

戒至其去也多藏深山大空木中無毛羽或蟄藏坻岸

中

邠鑒避難嶧山百姓飢饉掘蟄燕食之

亦云入水為蜃蛤淮南云燕之

為蛤是也今人言蜃是蛟類吐氣為樓臺伺燕栖集則

食之又言龍噬燒燕水枯竭者投之立漲今人亦投以

求雨人食燕者則不可以適河然則燕與蛟龍蜃蛤之

氣相往來蓋水類

玄中記曰千歲之燕戶北向

燕之來去皆避社又

戊巳日不取土以戊巳字書其巢上則去之豈社主於

土戌已又土位土尅水燕之所為避歟

說文燕作巢避戊已春秋運斗

樞曰瑤光

星散為燕

雀

雀小佳依人以居其小者黃口貪食易捕老者益黠難取號為賓雀淮南子季秋候鴈來賓雀入大水為蛤許叔重釋之曰賓雀者老雀也栖宿人家堂宇之間如賓客也雀約古今注亦云雀一名嘉賓其所入之水蓋淮水故趙簡子云雀入于淮為蛤雉入于淮為蜃蓋二物

皆化於淮水中故江以鴻止而鴻从之淮以雀化而雀
从鳥此雀所以為佳也或云雀入海為蛤性極多欲至
黠黑輒盲人至其時用目力不止者亦得雀盲之疾性
不能為巢穿屋居之力能勝燕或銜艾于燕巢中燕棄
去則居之召南之詩曰誰謂雀無角何以穿我屋誰謂
鼠無牙何以穿我墉雀鼠善竊而好淫以喻彊暴之男
屋與墉者禮之界也雀之穿屋以味不以角鼠之穿墉
以爪不以牙彊暴之男所以侵陵貞女亦不在家之有

無也彼其強暴之人既至于訟必且從而自罔曰我既
有家矣不應復為此侵陵之事故貞女從而詰之曰吾
誰問雀角之有無但問吾屋之何以穿而已誰問鼠牙
之有無但問吾墉之何以穴而已誰問汝家之有無但
問何以速我訟於獄而已盖貞信之教興則人辭簡而
理盡此召伯之所化也雀之字通於爵古作爵飲器以
為名象爵之形中有鬯酒又持之也所以飲器象爵者
取其鳴節節足足也量亦取象焉其法用銅方尺而圜

其外旁有鹿馬其上為斛其下為斗左耳為升右耳為合龠其狀似爵以縻爵祿蓋雀者啄粟之鳥量起於黃鍾之龠以子穀秬黍中者千有二百實其龠故以比云其冠服則爵弁者冕之次廣八寸長尺二寸如爵形前小後大繪其上似爵頭色其色赤而微黑若雀頭然或謂之緇蓋纁而再染以黑者王之喪車漆車雀飾亦是此色

春秋運斗樞曰瑤光星散為雀異苑魏肇初生有雀飛入其手占者以為封爵之祥

鵠

鷓鴣鳥之淳者其居易容其欲易給竄伏淺草之間隨地而安故言上世之俗曰鷓居而穀食也尾特秃若衣之短結傳稱子夏貧衣若懸鷓又今有郭公鳥者名檻樓鳥檻樓亦衣短秃之名意相類也列子言蛙化為鷓淮南云蝦蟇為鷓聞昔至道年中秋間京師鬻鷓者積於市枚直二錢是秋雨水絕無蛙聲人有得於水次者半為鷓半為蛙又云鼠亦化鷓莊子曰吾未嘗好田而鷓生於突司馬彪云突東北隅一曰東南隅鷓火之地故生鷓也

詩言鶉之賁賁以刺衛宣姜公子頑賁賁者健鬪之貌
鶉性雖淳然特好鬪今人以平底錦囊養之懷袖間樂
觀其鬪大率食粟者不過再鬪食稌者尤耿介一鬪而
已物之小而健無若此者然鶉雖處高彊彊然不失其
類鶉雖處下賁賁然而無慕於高高下各得其所言
人之不如也賁如虎之賁駒之賁皆彊猛之象天文南
方朱鳥之次有鶉名說者以為東方蒼龍七宿有角有
亢有尾南方朱鳥七宿有喙有喙有翼而無尾取象於

鵠予以左傳考之有鵠之賁賁天策煇煇火中成軍號
公其奔言鵠火之星其象亦賁賁然與詩言鵠鵠者相
類又司馬彪以東南隅鵠火地生鵠則天文之鵠當與
地之鵠相應然七宿雖無尾而其次有鵠首鵠火鵠尾
又鵠號朱鳥與蒼龍白虎玄武神靈偉異之物並列則
似不應取於此按禽經青鳳謂之鵠赤鳳謂之鵠蓋鳳
昂首長尾而身又赤故可以應鵠首鵠火鵠尾之象而
與彼龍虎龜蛇相配鵠冠子亦曰鳳鵠火之禽陽之精

也當待識者斷之

鵲

鵲似燕紺色生鬱林蓋今之翠鳥也巢於木杪生子夷人稍徙下其巢子大未飛便取之謂之翡翠郭璞謂賈害以采

說文翡翠赤羽雀翠青羽雀也

異物志曰翠鳥形如燕赤而

雄曰翡青而雌曰翠翡大於翠其羽可以飾帟帳故稱翡翠帟帳或云鳥各別異非雄雌別名也此鵲一名翠鵲則是其翠者然又名紺燕以說文考之紺深青而揚

赤者也則翡蓋亦翠之揚赤者通可稱鷁耶周書王會
云蒼梧翡翠漢南越獻翠鳥生翠古者鷁冠飾鷁羽于
頂鄭子臧好之鄭伯聞而惡之使盜殺之說者曰鷁水
鳥天將雨則鳴故知天道者冠焉其冠前圓一謂之圓
冠禮記曰知天者冠述知地者履絢莊子亦云冠圜冠
者知天時履句屨者知地形緩佩玦者事至而斷此魯
國之儒服也哀公嘗以此號於國中曰無此道而為此
服者其罪死而魯之敢服者惟一丈夫耳問以國事千

轉萬變而不窮然則固非子臧之所宜服也漢天地五
郊明堂育命舞樂人服之亦天道所係此建華冠也衎
氏冠亦謂之鷩冠象鷩鳥形畫鷩羽為飾紺色司天文
者冠之蓋衎氏即鷩音之轉爾然建華冠後漢輿服志
以為鷩冠明所施用用鷩飾前圓衎氏冠前亦圓吳制
差池遷迤四重趙武靈王好服之漢不施用獨有其圖
爾又乃畫鷩其義似迂遠音即近鷩未敢臆斷也鷩韋
昭以為翠鳥張晏以為赤足黃文以其毛飾冠顏師古

以謂鷓大鳥即戰國策所謂啄蚌者翠鳥自有鷓名而此
飾冠者非翠鳥也字學家稱翠鷓似燕紺色生鬱林邇
知天將雨故知天文者冠邇然古者以毛飾羽如翠被
翠旌之類乃獨取於似燕者此術氏冠云紺色則亦翠
廣志翡色
赤翠色紺當待識者詳之

鷓

鷓山鵲也似鵲而有文彩長尾紫腳赤又謂之鷓字說
曰善鬪謂之鷓非不健也然尾長故飛不能遠譬諸強

學務末勝本則其出入亦不能遠今人皆養之以關其在籠中亦能揚其米以誘雀雀至捕而食之又能效鷹鷂之聲其字從學未必不以此說文雉鷩山鷩也知未來事鳥也孫愐唐韻云雉鷩鷩別名又解鷩字云鷩鷩鳥名知未來事噪則行人至鷩或作雉雉鄭氏注大射儀云鷩鳥名射之難中中之為俊是以於侯取名引淮南子鷩鷩知來所謂正者亦鳥名齊魯之間名題肩為正正鷩皆鳥之捷黠者按淮南稱乾鷩知來而不知往

猩猩知往而不知來說者以為巢避風為知來卵為兒童所捕則不知往也猩猩能知捕者之名則為知往竟遭網罟則為不知來又淮南云夫鵲先識歲之多風也去高枝而巢扶枝大人過之則探其殼嬰兒過之則挑其卵知避遠難而忘近患則是直謂鵲耳然此山鵲亦云知來又雉鵲名同於乾鵲則似是山鵲爾顧古人皆以鵲解之未知其審釋器云象謂之鵲角謂之鵲犀謂之削玉謂之雕取四鳥之名不知其故今鳩似山鵲謂之

鷺鳩

子虛賦注鷺水鳥也其鳴聲鷺鷺云

鵙

鵙似鳬而脰高有毛冠江東人養之以厭火災又謂之交精說文謂之駮驢精目精也驢猶驢也言其目精交也禽經曰旋目其名鸛方目其名鵙交目其名鵙觀其眸子命名之義備矣上林賦曰交精旋目說者曰今荆郢間有水鳥大於鷺而短尾其色紅白深目目旁毛皆長而旋此其旋目乎鵙巢於喬木雛未能飛皆銜其母

翼以飛周禮職方氏揚州荊州其畜宜鳥獸先儒謂鳥獸孔鸞鵠鵠犀象之屬蓋鵠雖微禽毛羽可尚是以與孔鸞犀象同列為南方所宜珍禽奇獸矣蜀廩竺家當有火厄收鵠鵠數千頭養池渠中以厭火或曰羽毛之類非禦烈火之物蓋其焚自陽燄旱燥而生以方諸厭之鵠鵠之音與方諸相亂爾然古今厭火盡用水物如漢宮殿脊作蜃魚形又號屋仰為井皆畫水藻蓮芰之屬鵠鵠亦水禽或自能厭火未可知爾李衛公言鸞能

警盜鵒鵒厭火孔雀辟惡唐明皇遣宦官詣江南取鵒
鵒鵒鵒置苑中倪若水諫縱散之

鵒

鵒似鴻而大長頸赤喙白身黑尾翅別名黑尻卑裙負
釜背竈皆以尾翅黑為名也木上作巢大如車輪卵如
三升杯泥其巢一傍為池含水滿之畜魚其中稍稍以
哺其子故揚震有鵒銜三鱸魚墮講堂以為升進之象
也巢中水有磐石養之故不竭得之者可為藥用性好

旋飛古者有鵝鵠之陣今江淮謂羣鵠旋飛為鵠井惟
鵠亦然其旋飛必以風雨鵠是好水之鳥知天將雨則
長鳴而喜詩曰鵠鳴于垤婦嘆于室天之將雨則蟻封
土為垤而鵠又鳴其上則零雨其濛者至矣此思婦之
所為歎也然見人探其子則徑捨去能致數十里旱以
其羣飛激雲雲散雨歇故也禽經曰鵠生三子一為鵠
鳩生三子一為鵠言萬物之相變也易之中孚九二鳴
鵠在陰上九翰音登于天說者以為鵠者別於鵠也震

為鶴陽鳥也異為鸛陰鳥也鶴感於陽故知夜半鸛感於陰故知風雨鸛生鶴者異極成震極陰生陽之謂也今人通呼鸛為鸛鸛說文則以鳴于垤者為翟翟小爵也與毛詩說異

鵲

鵲天狗郭氏云小鳥也青似翠食魚江東呼為水狗今此鳥穴土為巢嘗冬月啟其穴橫入一尺許生雛其中其味皆紅項下白亦來人家陂池中竊魚食之今人謂

之翠碧鳥又謂之魚狗或曰小者為魚狗大者名翠奴
亦有斑白者俱能水上取魚其尾亦可為飾其肉治骨
鯁性所宜爾

鷓鴣

鷓鴣水鳥也

說文曰鷓鴣

字或作鷓作鷓作鷓善高飛能風能水

古者天子舟首象鷓所以厭水神淮南云龍舟鷓首如

是古矣上林賦櫂鷓牛首漢人舡首猶畫青雀

穆天子傳乘鳧

舟龍舟注猶今

吳之青雀舡

蓋其遺制其交則雄鳴上風雌鳴下風

而乎故莊子以鷦為風化風化者自上風以靡物有類
於君師之化黃帝之謁廣成必從下風以此也然鷽既
能風矣而春秋書風有六鷽退飛何哉蓋廣川之鳥獸
常預避其災是鳥將進遇風而退未必為風所排也特
其相接而過宋都襄公以為祥故其辭布於諸侯事適
然耳如海鳥爰居止於魯東門之外三日賴展禽一言
魯人不復以為異則不復告也說者廼曰五石六鷽之
辭不設則王道不亢矣夫視之則隕察之則石徐而察之則

五此其設辭之先後與孟子所謂繫馬千駟者何異視之則六察之則鷦徐而察之則退飛此與晉史三豕渡河者何異遣辭適有宜爾又安取王道哉說者泥於此則白馬非白馬黃馬驪牛三之論紛然起矣且夫六者吾不知其為退飛之數耶或者如五鳩九扈為鷦之名耶禽經曰鳥六曰鷦然則六鷦之說古未有考者

比翼

南方有比翼鳥馬不比不飛其名謂之鷦鷦狀似鳬青

赤色一目一足一翼相得乃飛張司空以為一青一赤
在參隅山則是二鳥異色者昔成周為王會則巴人獻
之與孔鸞鳳鳥之屬偕陳於庭後王德薄不能及遠則
此貢遂絕世徒傳誦以為四方之異氣云爾及齊威公
稱霸而欲封禪管仲度威公不可窮以辭乃設之以事
曰古之封禪鄠上泰北里禾所以為盛江淮間一茅三
脊所以為藉也東海致比目之魚西海致比翼之鳥然
後物有不召而自至者十有五焉威公為是而止蓋鄠

上即鎬京周天子之都黍固不可得北里衛地時方為狄
所據江淮之茅則荆楚不貢已久至興召陵之師責以王
祭而僅共命然情猶不服故師復進次于陘而欲貢之於
封禪益知其不可也比目之魚不識知何國所貢要亦淮
夷吳越之類而當時蠻夷大國有不服齊者至於比翼所
出巴人之國則在楚之西迫近楚先是魯威公九年巴子
使韓服告于楚請與鄧為好楚子使道朔將巴客以聘於
鄧蓋楚以強嘗役屬之齊安能出其貢物耶若夫物之不

召而自至者則固不待言此威公所以遂止耳此鳥世所
希見然不為異至晉王嘉記事乃稱成王時燃丘國獻之
狀如鵲而多力歷百有餘國十有餘年而至洛邑又云銜
南海丹泥巢崑崙玄木者可知其誕也字書一名鸛山海
經崇吾山有鳥狀如鳬一翼一目相得乃飛名曰蠻爾雅曰南
方管仲乃云西瑞應圖王者德及高遠則至
海其說異也

音釋

燕 玄鳥之乙

鳥轄切說文作乙

甲乙之乙

於筆切說文作乙

其尾歧分

說文
作蕤
蕤蕤
徒見
高禱
下音梅
月令注
燕以施
生時來
集
人堂宇
而字孔
嫁娶之
象也
媒氏

之官以為候高辛氏之世玄鳥遺卵娥簡吞之而生契
後王以為媒官嘉祥而立其祠焉變媒言禰神之也

契息列反睇音悌夏小正二月來降熒乃睇○雀小佳

錐音黠胡八切 味音畫烏口 庇音裊不 緌音鄒青赤色 ○ 鶉居穀食口穀

豆切莊子音義鶉居謂無常
處也穀食言仰物而足也
突音資資音奔
音素鳥
容食處

煇徒門切又
 鵠以聿切
 賈音古
 冠音冠
 述莊子鵠冠注尹必反
 徐音述
 本又作鵠
 音反

同韻書述通作術說
約句或作履句
莊子音義句音矩徐
其俱反李云方也

遷上力紙切迤下移爾連與鵲遞與鵲翠於與於旌同○鶯說文胡角切

欽定四庫全書

爾雅翼

十五

韃

切 侯 幹

鴝

切 古 安

雉

切 古 沃

正

音 征 穀

口豆切 鳥

鵠

音 欲 出 者

鵠

音 割 雕

爾雅注鵠音斛甯音嶽割音錯郭云謂治其璞俱未成器有此四名也

○ 鴝

古 賢

鵠

音 僂

鳩

音 紡

鵠

音 交

鵠

音 精

陽

音 燧

音 遂

金也取金杯無緣者熟摩令

熱日中以當日下以艾承之則燃

得火方諸陰燧大蛤也熟摩拭令熱月盛時以向

厭之

月下則水生以銅盤受之下水數滴淮南子注

於涉

切

鵠

音 溪

鵠

音 救

○ 鵠

音 鵠

食而 ○ 鵠 說文力 ○ 鵠 午的 鵠 鵠 鵠 與 鵠 字同 鵠 直孝切 牛 死 入切

首 池名 鵠 音戶九鵠農桑候鳥鵠民不婦 謂止民使無過時 ○ 比翼 比上 聲並

也 部 通作鑄合老切 漢 籍 才夜 盛 音成 陘 音刑 鵠 音蠻

郊祀志許各反

鵠 音蠻

爾雅翼卷十五

韃

侯幹切

鴝

古安切

雉

古沃切

正

音穀

口豆切

鵠

音鳥

鵠

音割

爾雅注鵠音斛甯音嶽割音錯郭云謂治其璞俱未成器有此四名也

○

鴝

古賢切

鷄

音儼

鳩

音紡

鷄

音交

鵠

音精

陽

燧

音熱

日中

以當

日下

以艾

承之

則燃

得火

方諸

陰燧

大蛤

也熟

摩拭

令熱

月

下則水生以銅盤受之下水數滴淮南子注

厭之

於涉

鷄

音溪

鷄

音救

○

鷄

尻

音丘

交

鱣

音善

磬

音中

譽

毒石

出漢

中蠶

食而肥

鼠

食而

○

鷄

說文

力入切

○

鷄

午的

鷄

鷄

鷄

與鷄

字同

權

直孝

切

與棹

同

牛

首

池名

鳧

音戶

九鳧

農桑

候鳥

鳧民

不嬌

謂止

民使

無過

時

○

比

翼

比上

聲並

也

也

部

通作

鎬

合老

切

漢

籍

才夜

反

盛

音成

陘

音刑

鷄

音蠻

也


部

通作

鎬

合老

切



總校官庶吉士臣張能照

校對官檢討臣王福清

謄錄貢生臣于飛熊